

巢崇山醫案精華

上海秦伯未編纂

喉痧

寒熱不清。咽喉腫痛。色赤。痧子外發。喉痧也。脈浮數。嘔吐痰沫。乃濕熱蘊于肺胃。太陰陽明同病。治以宣達。冀其汗出痧透為吉。

豆豉 薄荷 桑葉 前胡 荊根 蟬衣 桔梗 象貝 馬勃 炒牛蒡 通草

又 溫邪鬱伏。寒熱汗微。咽喉赤腫而腐。頭眩目赤。口燥渴飲。脈數苔黃。痧漸布。邪在肺胃。勢將化燥。急急內清外透。用辛甘涼合法。

密麻黃 桑葉 生甘草 炒牛蒡 蘆根去節 薄荷葉 生石膏 枯芩 元參心

象貝母 連翹 淨蟬衣 輕馬勃 竹葉 金銀花

又 溫邪鬱伏。病方三天。熱正。鴟張。咽喉腫腐。丹痧遍發。色紅如錦。汗有不暢。胸中痞悶。口燥頭眩。脈數大。舌絳。邪鬱化火。燔灼肝胃。頗慮劫津殺液。肝風內

起爲蒙爲厥。勿泛視之。急急大辛大涼。合甘緩甘泄。三焦表裏並治。以冀陰不傷而邪從汗解爲安。

麻黃 牛蒡研 銀花 杏仁 枯苓 蟬衣 生艸 連喬 元參 桑葉 石膏 馬勃

羚羊先煎 薄荷 蘆根去節 竹葉心

又 丹痧遍體。宛如紅錦。且堆白沙。泛泛空噁。胸脘閉悶。壯熱汗少。且有譫語。脈象洪數。舌質鮮絳無苔。此邪火熾盛。燔灼心營肺胃之間。胃被火衝而作噁。心被火灼而爲譫。肺被熱蒸而痧上堆。痧也。病涉四朝。邪火如是。頗慮劫燄氣陰。肝風竊起。正未可以痧子暢遂而大意也。

淨麻黃 銀花 牛蒡炒研 生石膏 元參 馬勃 粉甘艸 連翹 杏仁 竹葉心

薄荷 桑葉 羚羊斤 蘆根 竹茹

又 痧將回而喉痛。痧火所致也。火迫腸胃。腹中痛而便薄噁心。火甚生風。鼻竅阻塞。脈形浮數。舌鮮絳。邪火未盡。氣陰已傷。擬辛涼清解。合甘寒以救氣陰。

爲治病過候一可無妨礙。

豆豉 桑葉 川貝 元參 石膏 生地打先煎 薄荷 甘艸 丹皮 羚羊 銀花
連翹 牛蒡 蘆根 竹葉

又 痧子漸回熱仍未退。咽喉腹中皆痛。大便不解。脉數舌鮮絳。口中燥渴。尙有譫語。痧回而痧火內逼。心肺不免受灼也。仍守前法。存陰退熱爲治。

薄荷 桑葉 犀片 牛蒡炒 羚羊 丹皮 連翹 馬勃 甘艸 石膏 元參 蘆根
知母 生地 川貝 銀花 竹葉

又 按痧子回而表熱退。痧火不清。咽喉腐痛。舌絳起刺且破碎。鼻竅依然阻塞。脉數而躁。溺少。燥火內灼。猶慮傷陰耗氣。致生遺毒。議再甘寒救液。合清涼敗毒法。

薄荷 銀花 丹皮 牛蒡炒 中黃 石膏 桑葉 馬勃 甘艸 連喬 羚羊 犀尖
元參 生地 川連 知母 川貝 竹葉 蘆根 金汁沖

又丹痧已回。痧火內甚。火熱上冲。痰涎上溢。欬咯不利。鼻竅阻塞。咽喉結腐。不化。脉左弦數。右滑數。舌鮮絳。破碎。口乾渴飲。大便欲解不遂。小洩更爲短赤。痧火傷陰耗氣也。擬再辛涼甘寒。豁痰清熱。並解毒一法。

薄荷 連翹 元參 牛蒡炒 大貝 川連 銀花 馬勃 犀尖 生地 中黃 金汁

羚羊 石膏 蘆根 丹皮 知母 淡竹葉

又脉數身熱。項腫頸痛。痰涎未盡。鼻竅尙塞。此痧火餘邪所致也。再以清熱存陰。

薄荷 羚羊 中黃 牛蒡炒 連翹 生地 桑葉 銀花 大貝 馬勃 石膏 知母

元參 川連 枯芩 丹皮 金汁 蘆根

又丹痧脫皮而回。鼻竅猶未清通。脉數舌邊破碎。痧火未清。肺燥熱痺。并進辛甘涼合法。清痧火以潤燥。開熱痺以通塞。

薄荷 花粉 知母 牛蒡炒 枯芩 生地 桑葉 甘艸 川貝 銀花 連翹 元參

羚羊 蘆根 竹葉

又 諸恙漸鬆。惟兩腮腫塊未消。脉數舌邊碎。鼻塞身熱。餘邪未盡。痧火留戀。防成痧毒。急爲消退。免致成膿。

薄荷 連翹 丹皮 牛蒡 象貝 赤芍 桑葉 銀花 羚羊 桔梗 元參 甘艸

馬勃 猴棗研 蘆根 竹葉 金汁 竹瀝入開水送猴棗下

又 痧毒結硬不消。左邊更甚。稍爲綿軟。成膿之象。而右邊硬而不軟。當在進出之間。脉數便閉。溫溫身熱。擬以清熱豁痰。

桔梗 連翹 猴棗 甘艸 羚羊 元參 象貝 杏仁 瓜蒌 馬勃 桑葉 銀花

竹瀝 牛蒡

又 痧毒一塊已經內潰。一塊仍然結硬。大便不解。身熱如昨。還是痧火所致。宜輕清開泄。痧火不可補托也。

桔梗 牛蒡 鮮梨去核 甘艸 象貝 元參 連翹 馬勃 銀花 薄荷 杏仁 藁仁

桑葉 蘆根

又 痧毒已經內潰。出膿亦不爲少。何以復腫。蓋膜內之毒雖泄。而膜外之毒逗留也。只便閉六七天。其大腸火熱不泄。環而攻之。胃熱肺燥。睡醒出汗。轟熱欬嗽。舌腫腮腫。痰多不便食飲。脉仍數躁。大創之餘。氣陰兩傷。外症實爲可慮。以釜底抽薪。大生津液。以禦熱毒。是否有當。尙祈政之。

桔梗 川貝 連翹 萸仁生研 甘艸 牛蒡 元參 杏仁 馬勃 石斛 桑葉 蘆根

中黃 銀花 生地 石膏 麻仁 竹瀝 金汁

又 兩頤之結塊。卽少陽鬱伏之邪火。雖潰而不見消。脉且躁數。其邪火熱毒之盛。可想見矣。今晨忽然吐血。乃傾口頻吐。計盈數碗。是亦邪火熱毒所致也。惟病經二十天。大創之餘。陰陽氣弱。而猶經此吐血。雖係邪火熱毒之洩。越而究之。血屬陰。陰愈耗。則火愈熾。火能生風。竊恐內風驟起。昏蒙厥逆。皆意中之事也。急急大滋大涼。以救燎原。而挽危機。方候裁正。

桑葉 中黃 犀片 羚羊 麥冬 川貝 石斛 生地 馬勃 甘艸 丹皮 元參
銀花 杏仁 鱉甲 石決明

又 左虛痧毒。蔓然而腫。按之綿軟。膿將成矣。惟連晨失血。竟至盈碗。雖由痧火所迫。究之血爲陰類。陰氣大傷矣。且脉仍弦數而躁。舌絳而痛。口涎時流。則咽喉乾燥。當此液耗陰傷。而猶蒸灼煎熬。則陰液陽津。尙有幾何。此最可慮者也。至危至險之症。勉盡心力。仿喻嘉言清燥救肺之一法。以冀挽回。卽就哲政。

沙參 甘草 石斛 川貝 生地 杏仁 麥冬 白芍 石膏 桑葉 丹皮 萹皮
元參 麻仁 蒲黃 鮮梨 枇杷葉

又 血既不吐。又可安睡。胃納如昨。氣火較平一籌矣。痧毒已潰。出膿甚多。脈形弦數。熱勢略淡。然氣雖見平。而陰液大受夷傷矣。再宜養液和陽。以清燥金。

沙參 生地 元參 貝母 石斛 丹皮 麥冬 杏仁 白芍 甘艸 石膏 桑葉

銀花 萆皮 蒲黃炒 花粉 鮮梨 枇杷葉

□ 胎漏

素體血虧肝旺。肝木橫擾陽明。絡脉失和。懷麟五月。太陰陽明司胎。火盛則脾胃不調。胎氣不安。今晨驟然見紅。少腹滯脹痠痛。脉弦滑。慎防半產。急宜安養。調脾胃以柔肝木。

焦白朮 茯神 新會皮絡 白蒺藜 煨木香 絲瓜絡 稽豆衣 荷蒂 北沙參

苧麻根 白芍 淡黃芩 藟豆衣 石斛 麩炒枳殼

□ 便血

便血不已。由來日久。時發時愈。近日更甚。血去則陰傷。肝火即肆橫無制。陽明絡脉空虛。胃呆食少。精神疲倦。口味酸苦。脉來虛弦。舌黃。先以和肝兼理肺脾。以清血熱。

扁金斛 野稽豆 炙黑艸 姜川連 炒丹皮 白蒺藜 炒白芍 茜艸根 蒲黃炭

土炒於朮 綠豆衣 茯苓神 川貝母 綠萼梅 藕

又脾虛不能統血。血熱不能歸經。便血日久不止。去血多即陰更傷。肝木失養。氣火上升。陽明胃失下降。胃呆食少。脉來細弦。舌黃燥。腰部痠楚。宜益氣養陽。兼柔肝木。

西洋參 炙生地 茜艸根 北沙參 炒丹皮 白蒺藜 莧麥冬 炒白芍 野稽豆

宣木瓜 檇根皮 炙黑 野於朮 土炒 金石斛 炙黑艸 防風根 米炒紅棗

□ 喉 痛

少陰之脉循喉嚨。而耳爲腎竅。肝絡於耳。腎虛心肝之火上乘。肺胃絡熱。咽喉梗脹。左耳作腫而痛。脉虛而弦。一派虛火爲患。宜清肺胃。以平肝木。

洋參 杏仁 丹皮 桑葉 甘艸 石斛 川貝 元參 銀花 馬勃 川連 竹葉

蘆根

□ 穢 濁

吸受穢濁。阻正氣之流行。痰溼無以展化。食脹口痠。而獨下體汗多。手腕微涼。脾主四肢。溼家多汗。而濕爲地氣。是以兩足獨多也。脉弦緩不揚。舌膩擬苦辛通氣逐溼法。

海南子 藿香梗 熟苡仁 赤猪苓 漢防己 嫩桑枝 製川朴 鮮佩蘭 荳果仁

晚蠶沙 石菖蒲 絲瓜絡

霍亂

霍亂吐瀉。肢冷轉筋。脉沉細數而近伏。舌黃膩。口渴。乃熱鬱濕伏。擾亂中宮。脾胃升降失司。氣陰兩傷。已有厥脫之象。姑擬一方。盡人事以邀天眷。方候高明政之。

川連 新會皮 姜半夏 蠶砂 白蔻仁 雲茯苓 吳萸川連炒 木瓜炒 炒白芍

通艸 粉甘草 生穀芽 桂枝 車前子 灶心土煎湯代水

熱伏於內。寒束於外。寒火相併。擾亂腸胃。清濁混淆。升降失司。致成霍亂。

刻下吐瀉雖止。而胸悶未舒。小溲濁赤。脉來緩弦不揚。舌黃口淡。邪濕熱未楚。肺胃氣機未和也。再從和化一法。

川朴 大腹 通草 川連吳萸炒 甘艸 蒿衣 赤苓 陳皮 滑石 蔻仁 姜夏
佩蘭 穀芽

□ 虛 損

元海竭而諸氣皆逆。逆則爲喘爲促矣。故質厚以填陰。歸其虛火也。而鎮攝以降逆。納其虛氣也。且也肺氣散而多汗。陽氣泄而膚冷。故甘溫以固衛。所以斂汗也。而酸收以緩肝。所以和陽也。至語言幽暗。而痰見膿黃。苔糜舌絳。而咽又燥乾。則參互前證。其爲陰火乘陽。龍雷交亢。肺燦胃熱。斷無疑矣。於是更益清養肺燥。以平熱燥焉。夫凡審症用藥。憑脉處方。似此啣接相連。想亦不過爾爾。詎意過門不入。而進以納氣之方。轉成出氣之路。連肛門氣墜。大便連行。豈非中無砥柱。下失封藏乎。然事有一分不盡。卽心有一分不安。爲再三思索。

更爲之立砥柱。固封藏。苟能不便不汗。則天佑斯人。重回殘破。可爲僥倖矣。

吉林參 炙黃芪 訶子殼 烏梅炭 於潛朮 雲茯苓 清炙草 炮薑炭

□ 燥 症

前進清金養胃。和肝保肺。自春而夏。頗見奇功。胃口且起。入秋以來。燥氣用事。更受時邪。致發紅痧。詎自此而後。潮熱日來。胃口日減。氣急轉甚。是因長夏發泄之餘。肺氣既傷。而又加之以燥。燥則傷肺。而肝愈橫。以向不勝而乘我之素勝。是爲逆矣。逆卽肺愈傷而氣愈急。音愈低而汗愈多。而汗爲心液。液耗則陰傷。陰愈傷而火愈熾。下午卽熱。舌白似糜。實爲可徵。脉小弦而數。左腿痠痛。液耗氣傷。一惟燥火用事。霜降大節在邇。出入攸關。深以不效爲慮耳。

霍石斛 北沙參 肥玉竹 嫩白薇 萹麥冬 川貝母 竹二青 叭啞杏 嫩鈎鈎 桑葉

又 求援於肺。乞濟於胃。胃陰一復。卽餉精可繼。肺氣一清。則功能制木。如是則心火肝風。想亦不難平復矣。前則讒語滅。神韵漸清矣。二腑臟。飲食漸進矣。

瘕癥定。神氣亦斂矣。况乎舌上津回。亦脉與症符之象。則挽回之機。不盡在求援乞濟之間乎。然創痛鉅深。殘破未修。餘波未定。稍有不慎。猶恐爲山九仞。功虧一匱耳。

洋參 麥冬 半夏 金斛 川貝 丹參 蛤殼 鈎鈎 杏仁 竹茹 甘艸 橘絡

生地 硃黃 枇杷葉

□ 風 痰

平日操勞。心氣暗耗。肝陽素盛。適值房事。腎元更虛。外風乘襲。溼痰內引。遽至頭眩嘔吐。額汗肢冷。此乃風陽挾痰。擾胃入絡也。且左肢不仁。已有風痺之意。風木尅土。雖大便連解。而煩躁之勢。仍然不靜。脉右弦滑而右虛散。舌苔黃膩。自覺內熱。飲食生冷。浮陽在上。溼痰在內。風溼在絡。體虛夾邪。近乎類中。擬和陽熄風。化痰通絡。未可再予汗下也。

桑葉 橘絡 胡麻 石斛 鈎鈎 鬱金 象貝 牡蠣 菊花 半夏 雲苓 蒺藜

石決 姜竹茹

□ 調 經

經乃水穀之精氣。調和於五藏。瀝陳於六府。源源而來。生化於心。統攝於脾。藏受於肝。宣布於肺。施泄於腎。上爲乳汁。下爲月水。素體血虧。肝脾不調。脾不能爲胃運行津液。胃不能容納水穀而化精微。以致經來色黑而少。納減形瘦。心中空洞。時有不能自主之狀。究其原委。皆由平昔肝陽灼熾。暗耗營血。虧於下。莫能制火。火性上炎。與諸陽相率僭越。君主雖欲自振其權。焉可得乎。姑擬養肝和胃。益氣生津。鎮心主以資生化。培脾土以統攝諸經。以膏代煎。緩緩圖治。

西洋參米炒 野於朮鹽水炒 柏子仁炒去油 中生地蛤粉炒 炒白芍 蜜遠志 萹麥冬

去心 鮮石斛 左牡蠣 紫丹參豬心血拌炒 紫石英 炒棗仁 抱茯神人乳蒸 野稽豆

鹽水炒 淮山藥 新會皮鹽水炒 南杜仲鹹水炒 龜腹甲炙 白歸身酒炒 川貝母去心

佛手花 冬青子製 旱蓮艸蒸過 月季花 血燕根開水泡 鱉甲膠 陳阿膠 白水糖

關格

由情志拂鬱。致心肝氣火不泄。其搏結中焦也。亦宜。數日前得湯飲。卽漉漉有聲。氣火與水飲。兩相衝激。夫火出於心而氣又出于肝。經云。一陰一陽結爲喉痺。二陽結則爲關格矣。夫今則不大便。且恐漸致食不能入。蓋氣火傷殺胃陰。致乏冲和之氣。勢固然也。且所謂二陽者。手足陽明也。卽腸胃二腑也。高年上盛下虛。陰氣旣渴。陽氣自孤。陰陽造極。不成關格得乎。今瘦癯以及痛脹等情。已一律平復。惟脉象細弦。見鋒無胃。而舌剝如腰子色。且乾無津液。有時嚙飲亦阻隔喉間。甚則嘔出。胸亦痞悶。脉症合參。隔象已露。急急養血柔肝。降陽和陰。喻嘉言以人生胃中津液之氣。卽自然天露之氣。詎不信乎。勉擬一方候政。

參鬚 丹參 陳皮 白芍 沉香 半夏 菴蓉 炙艸 阿膠 川貝 霍斛 麥冬

麻仁 枇杷葉

又經云。曲運神機。內傷於心。務奪支節。內傷於腎。加以連遭鬱勃。則鬱火合氣。而又傷陰矣。夫陰傷則心火燃而讜語生。氣傷則肝木旺而胸喉塞。是皆內亂竄擾之情。君相不安之理也。夫腎司二便。今大便祕結。小洩失約。則陰樞不靈。其爲下虛無疑矣。而或積飲不下咽。會厭且硬痛。則心肺有關於乎出入。其爲上盛可知矣。夫上盛下虛之症。而當高年鬱勃之候。則用藥之間。偏執似乎各有流弊。一再思之。果不如喻西江之論制肝莫如清金。寧心急須和胃也。况舌剝如腰子。氣液兩虧。而脉弦無胃。胃氣亦甚傷敗。倘一任氣火之留戀而不泄。則爲關爲隔。意中事也。可不先事綢繆哉。

參鬚 白芍 麻仁 半夏 阿膠 從蓉 川貝 元參 霍斛 麥冬 炙艸 杏仁

丹參 生梨 杷葉

又恙原備載前方。茲不復贅。所以清金制木。和胃甯心者。緣津液乾枯。氣火

偏熾。預防至爲關格耳。夫用藥之道。一如用兵。假令有事于巴蜀。而不修棧道。則峻嶮之路。奚利我行。惟我行既利。然後進可以長驅制敵。退可以保守漢中。鄙人立方主意。亦猶是也。且年逾八旬。而當氣火兼旬之擾。則冒險之與因循。同一利害。用是決計進以圖肝腎而滋液。退以謀肺胃而生津。一進一退之機。夫固冀幸於什一者也。茲則舌起雪刺。糜象成矣。飲食泛嘔。隔症成矣。脉弦無胃。真臟見矣。然液可生而津可回。氣可平而火可泄。無如機樞已壞。不化不生。縱有良工。其何能濟。勒臨崖之馬。挽既倒之瀾。盡心焉耳矣。其他非所敢知也。

洋參 杏仁 川貝 白芍 生地 麥冬 沙參 阿膠 霍斛 元參 炙艸 玉竹
生梨 枇杷葉

便結

年逾古稀。平昔多勞。心營腎液。兩屬暗耗。肝胆氣火。偏旺無制。火浮於上。陽明絡空。以致頭眩泛嘔。二月下旬。客旅感冒。兼停食滯。遂寒熱大作。胸痞作